

摘藻堂四庫全書薈要

集部

欽定四庫全書薈要卷一萬三千三百九十一

集部

御製詩二集卷六十四

古今體八十四首

丙子五

恭奉

皇太后御園觀荷之作

快雨剛逢此快晴  
盡驅炎暑曉涼生  
承

歡日愛三庚永

是日初伏

及節花看五沃擎  
微露延年金掌

勝度風清夏玉階  
清雲酥笙是雙成  
按歲歲籌添海屋

盈

日影

望雨過夏半無心問風景  
雨足倚閒庭忽見上階影  
懸光已含清表晷略減永  
斯寧始於斯金柅義堪省

雜花

錦蹊韓約綻羣英影入窓  
紗最有情夕鏡曉珠光燭  
燭秋金晴雪態盈盈春園  
夢蝶不相識露砌悲蛩有  
宿盟若向玉臺理新詠祇  
宜採藻是飛卿

高克恭林壑高風

樹態峰姿濕潤凝危亭趺坐悟南能軒軒漫道偏孤寂  
太古林嵐耐久朋

題張宗蒼雪景

疊嶂玲瓏萬樹皚溪邊應是訪梅迴越童慣解收瓊屑  
曾供陶家使令來

上伏何來滿意涼千巖雪色對宗蒼茲人真蹟從茲少  
所遇隨題自不妨

西直門外

視朝臨法宮趁曉策青驄  
宣不日咨政曰此禮所宗  
石街路蕩蕩柳陌煙濛濛  
已喜滿葉露將吹華黍風  
踰月未經郊外道瞥眼流光入西顥  
早黍晚禾率已齊下隰高田皆覺好  
自哂吾愁何太早復思正亦不可少

新秋瀛臺雜咏

琪花瑤草露華浮水面風來香滿樓  
怪底今朝披颯爽日交秋月節迎秋

名園日涉方成趣我却踰時始一來了識餘閒不多得  
猶然位置復何哉

竹蹊詰曲如詩讀湖石玲瓏當畫看屨步不妨過半里  
心舒雨後曉秋寒

花鳥契幽皆悅目林泉遠俗總怡情設教著處標名字  
反覺區區太泥去聲生

嘲劉統勲

劉統勲以協理總督轉運軍儲駐巴里坤逆賊阿

睦爾撒納之叛煽阿巴噶斯哈丹等擾我臺站將  
軍永常聞風恒懼自木壘退師巴里坤劉統勲輕  
信不察率議棄地退保哈密審爾則何以不數月  
間大軍旋收伊犁逆賊亦何至窮蹙遠竄耶朕燭  
照其謬慮搖軍心命褫職治罪今舊疆蕩定逆賊  
指日就縛念劉統勲一書生也軍旅非所嫻且非  
所職設令模稜者處此轉以緘默自全而奮發吐  
露尚知急於公事是其識雖乖而心可諒爰畀以

原官并拈此嘲之

集賽伊犁歷一過珠崖請棄竟如何我非勤遠惟觀火  
卿誤養姦作止戈究勝寒蟬原所諒堪稱老馬可無訛  
犁牛即駱駝也騎進陽關矣只恨難為叩角歌

蘆花

液池蘆葦每先御園作花蓋以種植年久根深蔓  
長發生既早衰落亦如之觸目有會因成二篇

蒼蒼掩映白蘋洲怪爾含風劇報秋物理試同人較量



定惟老者早宣頭

颭煙采露吐絲絲搖曳秋光滿液池園葦不須嫌落後  
遲生贏得老還遲

悅心殿

納遠虛窓萬景羅往來清憇此為多金仙露下清秋氣  
玉竦風生太液波自是山林在廊廟不妨黼黻入松蘿  
是日御殿後即於此更衣故云問予底事心知悅暘雨剛時蔚黍禾

長河舟行雜咏

川路端宜趁曉涼  
溯洄偶此泛煙航  
誰知伊軋棹聲裏  
瞥過長河十里強

水淺舟膠向怨遲  
漲增雨後恰相宜  
有源尚爾需資藉  
嗟爾無源取資

蘭橈曲折過前川  
鏡裏樓臺宛若懸  
樂善園中松好在  
龍鱗待撫又經年

露氣波煙滃未消  
陸塍水町蔚新苗  
一般歡喜非絲竹  
勝爾維揚廿四橋

湖心樓

金河流至此而益寬匯為一湖以蓄其勢並為長  
壩以備節宣斯長河左右稻田皆資灌溉矣湖心  
樓三間大有嘉禾煙雨之致

坎流允澤兩相資湖控金河合在茲便向中央起樓可  
每因稍暇泊舟宜瀟湘畫意看米老煙雨詩情憶禦兒  
長壩節宣稻田賴淙濤聲在座間披

金河泛舟至玉泉

舟舍長河泛玉河尋源欲至玉泉阿湖心背指紅樓遠  
波面遙瞻翠嶽我漠漠水田新雨後輕輕隄籟曉涼多  
菱絲甍社分明是那更拘墟較若何

界湖樓

金河高長河玉泉高倍蓰設非次第蓄一瀉無餘矣裂  
帛本有湖方塘數畝耳接上擴充之此湖殊渺瀰界隄  
築橫樓漪影翻牕紙實得空澄趣詎止煙波美面面闢  
溪田萬頃綠含綺隨時祝有年是吾乃所以

題董展三顧草廬圖

遺世高風卧草堂殷勤三顧篤樓桑  
固應感激終身識二十一年那便忘

賦得洗車雨六韻

高樹晚霞晴油雲嶺外生秋霖飛倏忽  
七夕度分明拂漢曾無爽隨輪似有情  
定應命造父豈為降方平碧落寧留  
滓金根待洗清不知誰最恨點滴聽深更

昆明湖荷花詞

深紅淡白盡開齊  
水面風來香滿隄  
誰道秋荷乏春色  
春光恒在六橋西

淨植清標欲拂衣  
錦帆風裏度芬菲  
漫云鷗鳥無情者  
看取眠波不忍飛

十里霞香蕩槳過  
花潭葉嶼錦成窠  
絕勝越角將吳曲  
未許妖姬鬪綺羅

綠蓋珠擎曉露濡  
盈盈照水足清臞  
近天贏得常吟賞  
麴院還能似此無

雲淙室

雲裏流泉活似雲  
雲容泉態兩難分  
極娛視聽根塵淨  
耳可為觀目可聞

泛舟登石舫

月牖居然迴風帆  
了不移換舟仍隔  
岸登陸復臨涯水  
態雲容靜浮深泳  
廣宜橈聲去遠寂  
離卽一為思

新秋萬壽山

花氣宜過雨梧風  
最引秋登高渾可  
望遇勝亦因留絕

頂本無暑大田臨有收居庸直北翠佇待捷音郵

花承閣

月匡早種千年樹雲構常承四季花何必餌芝將鍊石  
陵塵是處即仙家

題隨安室

花承閣東峪結宇敞而幽忽步階梯降方知上下樓室  
聊因舊號

隨安蓋予舊日書室名也

學祇仰前修今昔勞閒異惟從

二典求



養雲軒

巖室無端倚翠微  
朝嵐夕靄蔚雰霏  
便應滿貯英英氣  
留待三春作雨飛

題張宗蒼摹郭熙筆意

山勢排空樹染霜  
傳神活脫是河陽  
高人坐愛松頭月  
客子詩成驢背涼  
朔氣惟應愁宋玉  
南雲今復見宗蒼  
如探勝到幽窮處  
將謂無多意轉長

內府所藏宗蒼手蹟搜題殆遍故末

之句及

移竹用白居易題盧秘書新栽竹二十韻

品稱松梅友標從澗谷槃端惟庚伏種誰覺歲寒難暑  
雨纔過漢清風要拂欄相延君子植宣命上林官遠莫  
離牆外虛教映座端拋簪應折玉置笛漫成藥秋矣土  
仍溽時雖秋月而尚在伏內故可移竹時哉露已團琳階乍淇渭員嶠

擬珠玕遐想白居易時當夏日殘友人相志契題句忽  
心寬籤拂秘書帙蟬籠少傅冠詩情真灑落酒興未闌  
珊颯颯葉全放亭亭根互蟠眼空上下古意足兩三竿

而我曾何謂亦為如是觀畫疑展同軾賓欲比金蘭恍  
可消清暇猶能引靜歡既深因既邈宜密又宜單聲夏  
盈聽寂陰交滿目寒獨思彼作者寧識此迴看

元人倣米氏雲山

七澤山圍碧水三湘雲重蒼天何必重尋姓氏直稱海

岳家傳

立秋日作

立秋宜雨又宜晴農諺何曾有定評今日雨佳晴亦快

對時額手祝西成

晚晴落照

秋雨既應節晚晴真復美  
徂雲戀日光絳染霄綺林  
翻鴉背艷高低雜翠紫  
農徵信慰懷觸目皆堪喜  
涼魄暎素輝蘭舟候湖涘

泛月

驟雨過河源絳雲一以斂  
秋蟾向圓際罔罔清光澹  
時我當慰志御湖聊遊覽  
金波疊綺縠玉蕊霏菡萏  
舟徐

棹不鳴岸近螢猶點蘇壁興飄飄謝樓寒  
晻晻酒醴設弗斟笙歌俗可減惡旨彼宜  
欽長夜吾豈敢

倪瓚山水

老筆踈疎了了幽襟落落蕭蕭假相不妨  
貌似真宗誰解神超

膳羊

一時思膳羊問之尚膳云爛羊向每供  
邇何闕供頻尚膳者答言羊亦有等倫  
或自喀爾喀或烏珠穆秦納諸

慶豐收

慶豐司屬內務府職養外藩進羊以供尚膳取用

近乃多牂羴以此未

烹進遺忘非庖人我謂此言誕屬內務府臣牧者果致瘦所司罰宜申苟有博碩者是乃飼養勤其過在尚膳可聽虛辭文慶豐牽羊來三十維物羣其角咸濺濺無一羸露筋設倉卒市取市無北塞粉有亦一二耳如許從何臻乃知尚膳譎卸過計可噸倘教置弗問慶豐屈何伸一羊事本細而我畏有因賞罰苟蔽近吁將害及民辨詐取吳亮戒宣愧宋仁

夢遊仙篇

遊仙不藉倕仝松食之三百歲有窮遊仙不藉徐福船  
五千男女海外捐真人尺宅居中央素雲為車驂兩凰  
傲晚碧落寥茫茫銀臺玉闕參紫皇桑田變更凡幾閱  
可惜六鼇骨已雪東廂枝癢乍窺牕王母見之乃饒舌  
雙成如花貌嫋嫋三萬六千猶青年

鞠歌行

含章靈芝相連延檀為鞠室錦布筵金釭落帶夜繼日

美人擊鞠乎其間  
鵲笙象板法曲度  
漢皇輦過或不顧  
夜深散去螢為燈  
響屧莎街濕秋露

有所思

我思虞廷應無面  
從人重華何事猶  
諄諄大智若愚大  
詐若忠動云孤立  
寧無暗同昔亦登  
泰山龍宗壓齊甸  
一指橫目前咫尺  
不可見觀火實易  
觀人實難逆詐詎  
可先覺稱賢蒿目  
茫茫心為寒

題張宗蒼畫



隔谷相看瀑水寒  
漁舟唱晚泊前灘  
設如作者為皮陸  
定道斯宜卜澗槃

雙烈詩

雙烈詩者例雙忠詩而作也  
昔駐藏都統傅清左  
都御史拉布敦誅叛臣朱爾墨  
特納木札爾以人  
少力微二臣死事然究能鋤元兇而安絕域故臨  
奠建祠並有雙忠之詩以揚其勲去歲命定北將  
軍班第議政大臣鄂容安駐伊犁時二臣既奏阿

睦爾撒納有反志朕命便宜從事庶幾消患未然  
乃二臣觀望疑慮以致免脫而賊黨反得結連赴  
約襲我軍營二臣力不能敵捐軀沙場猶之死王  
事也一以勇決建績一以徘徊債事然而臨難致  
命奮不顧身有足哀者今大兵既靖伊犁逆賊窮  
蹙逃竄不日獻俘二臣靈輦至京之日朕亦親臨  
醢奠並成是作雙烈云者蓋不如雙忠之盡善矣  
昔有傳介子手斬樓蘭頭通權建殊績芳名播千秋況

乎統三軍既悉彼逆酋一武夫之力何事仍夷猶逡巡  
大軍徹偏師五百留彼梟有密約入覲中逗遛八月廿  
五日三處共一謀阿睦爾撒納來阿爾台版將合其部  
衆挈妻孥以逃叶是則預有旨其妻孥盡收厥阿巴噶  
斯斷我軍書郵克什木巴朗伊犁逞劫偷兩路如期發  
猖狂肆叫讟叶蜂屯更蟻雜不可爬與梳叶二臣知不  
敵全軍將內投而彼截歸路加以聚虺蜉巴朗謀致辭  
權假為我速徐當備馬馳送之返皇州二臣怒唾罵天

朝無此媮効死視如歸背義生肯求奮旅更前進氣髮

衝兜鍪終知事不濟畢命飲屬鏤叶問罪重整師豈辭

雪載途

叶阿睦爾撒納叛後向謂事難成者皆以為不出所料伊犁卒不能平朕料叛賊陰險多詐其

得在此其失亦在此伊犁之衆不過一時附和終不能人盡從彼若少延緩則叛賊又將別生變詐反失事機

因正永常恒怯退師之罰急趣西路軍帥尅期進勦旋於今春直達伊犁逆賊失據奔竄旋復定伊

犁脅從寬厥尤一二助惡者

謂阿巴噶斯克什木之流繫虜皆虔劉

渠魁竄異域王師奮遐搜亦聞哈薩克縛獻深同讎命  
求二臣骨靈輿返首丘臨奠例雙忠惜哉淚湧流初若

聽我言寧有今日不忠於國有濟烈惟己不渝叶究匪  
貪生比使我悲心悠朱門歌舞輩青史文章儔我豈為  
彼哉長歌旌乃休

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敢二千

昔未前聞今始出其人曰惟奇徹布向為侍衛備宿直

叶去歲從軍監包沁包沁之人乃通賊

厄魯特呼礮為包包沁其司礮

人也上年正月其宰桑阿克諸爾率衆二千餘人來附  
逆賊阿睦爾撒納之亂包沁煽動闌出卡倫為官軍所

殲

來圍其帳欲肆害奇徹布曾無懼色徐腰橐鞬手弓

箭出帳跨馬聲霹靂蟻聚叫譟羣近前應弦馘倒賊辟  
易辟易復前恃其衆長槍火銃競相逼奇徹布且戰且  
走得一柳林為障翼賊人圍之凡數重恐自傷無施銃  
隙持槍人亦弗敢進進被箭死屍橫骼二千人各二千  
心一人氣奪二千魄侵尋天暮衆西奔奇徹布歸奏殊  
績賜金賜爵酬勤勞復請從師肯宴息舒布圖鎧巴圖  
魯神勇之名汝應得荆軻孟賁匹夫豪日月燭火光應

熄我歌嘉爾豈徒然勗我八旗永為式

三巴圖魯歌

巴圖魯者勇冠軍昔我旗人頗恒有近世以來殊不聞  
蓋因太平日已久歲寒松柏見後凋當春何以殊榆柳  
邇者西鄙屬用軍折衝咸欲効奔走舒布圖鎧已超羣  
三巴圖魯亦赳赳其一額納伸去歲伊犁從將軍將軍  
使彼詢事因單騎逕入衆賊羣左支右屈箭斃數人知  
事不濟拔刀自刎期報君其一巴寧阿

讀作  
麻韻

倉卒亂時

將軍前後護衛相蔽遮發無不中中無不死殺人如麻  
將軍遣之出巴寧阿曰朝廷命官偷生安往耶力敵視  
將軍盡節然後伏劍義烈真堪嘉二人既死還復甦宰  
桑巴磔得之壯其志養之數月我師再入方得歸軍牙  
其一曰富錫爾將軍命之攜印以出歸帝里其奈賊人  
擁蜂更屯蟻料不能出將印沉之水力戰受創命垂盡  
伊犁喇嘛救之得不死故賜額納伸曰卓禮克圖巴圖  
魯卓禮克圖者節義卓爾永不渝賜巴寧阿曰昆都爾



巴圖魯昆都爾者力敵萬人暇有餘賜富錫爾曰哈布  
台巴圖魯哈布台者穿楊貫石技不殊迴思去歲迅功  
成亡矢遺鏃夫何曾不期小醜逆志萌未能除蔓我二  
卿乃致沙場雙捐生亦我坐謀遙未精嘉我旗人多忠  
誠舊風未遠垂儀型愉以為戚留定評乃至西海揚芳  
聲

哀伊犁

我哀伊犁之人久迺遭去歲底定將謂自此永息肩而

胡么麼密計復煽亂伊犁之人亦相附和為叛奸後旋  
知悔過欲擒賊渠贖罪誠可憐乃以衆志不齊相觀望  
逆賊鋌而走險攻中堅十餘鄂拓逡巡各退遯反致劫  
擄父不保子夫不保妻遭流連加以爭相奪攘為矯虔  
强者食弱壯者食幼互暴殘馬牛羊食以盡野無黃獨  
室無私疾疫出痘亡者白沙捐伊犁河流為之赤竟有  
血人於牙以冀旦夕延王師重入匍匐歸者軍門環伊  
犁之人汝莫歎孰令汝二三其志自作孽患焚焚泯泯

忘大義民無二日汝獨有二天於古有云既來之則安  
之余亦焉能屏棄旃為之禁盜劫為之勗耕田逆賊既  
除自今以後汝得高枕眠休養生息延數年或得元氣  
復以全如此而已寧須竭內地力萬里惠窮邊

伊犁喇嘛行

蒙古之教宿尚黃宗喀巴以來三百餘年其流長昔顧  
實汗以此雄據衛藏攝羣部然亦不過假名敬佛要乃  
所以收衆方強吞弱噬互攘竊無不垂涎達賴喇嘛貌

為恭謹其實心弗良策妄阿喇布坦創據伊犁有弗遑

然已計入西藏肆披猖逮噶爾丹策凌遂興黃教名曰

安衆生

叶

亦效西域建都綱

都綱者西藏衆喇嘛聚而誦經之室也

白氊

為室布為牆後遂範金作瓦覆棟梁金仙相好備嚴莊

六時梵唄聲無央塔本集賽供饌糧

噶爾丹策凌於伊犁河濱創構佛寺

北曰固爾札南曰海努克聚集喇嘛令其五鄂拓克輪值供養之蒙古語謂五為塔本輪值為集賽

西勒

圖者凡四牀

喇嘛至牀者為西勒圖亦蒙古語

膜拜台吉諸宰桑其善

在此其弊即為殃喇嘛達爾濟及達瓦齊相繼篡立無

不藉諸喇嘛之力以肆強逆賊阿睦爾撒納亦結若輩  
為黨以煽亂其窮竄也旋却奪喇嘛馬駝用致遠去颺  
喇嘛散去乃同嗎哈沁蒙古謂肉為嗎哈厄魯特中貧  
無賴覓肉食自活者為嗎哈沁  
安知五戒六度如佛所云皮肉骨髓盡捨以救人飢荒  
是誠楞嚴所謂外道貌佛弟子為壽張勿謂佛不慈汝  
俾汝遭喪亡側身西望爰作伊犁喇嘛行

固爾札廟火用唐韓愈陸渾山火和皇甫湜韻並

效其體

拓土今踰吐谷渾奚論邏迤將河源何來狂童欲竊吞  
再整戎車安輕軒亂之不戢終自燔師壓波羅塔拉原  
義所動彼亦履坤諸鄂拓兵無際垠狡計近窺喇嘛垣  
盜駝馬逃藉桑門人思見日汝蔽暎名佛弟子心狙獫  
如魚背龍竊友龜雕不搏鴟乃搏鴟以致遊魂遠跳奔  
衣黃空忝人中尊固爾札本菴羅園天人供養莊嚴繁  
朝螺暮鼓法音喧仲氏吹篪伯氏埴剡竿高標金字幡  
胡僧碧眼脫其禪露兩肩肘及兩臂羊鹿牛徒示三轅

天龍軍遲屬索韃修羅乾闥挾雙轡掃其穢跡風以帑  
火輪轉法羞脹膳炎官祝融朱雲屯烈飆出穴口如盆  
鑠金爛石焦窪罇四大誰解無主言那伽此云龍也不為吐

水翻有其成之毀必反賓頭盧瞋目雙暖如彼葉落還  
歸根淨業何有於烏孫創興黃教駢肩跟假藉敬佛市  
惠恩亦欲貽法其曾元二世滅裂不可援狼貪虎攫難  
盡論汝狡避禍來謁閭膝前面陳涕漬痕憐汝賚汝安  
汝魂解衣推食奚汝寃野心偕德義何存固應天殛絕

爾殄洛那

即古大宛今  
哈薩克也

各方非世婚去歲却撝遭爾昆

阿睦爾撒納之兄巴特禡策凌及其黨額林沁相  
繼奔哈薩克以圖棲托其後皆肆搶奪逃竄而歸

三窟

未必容爾蹲小大怨汝奚騰騫亦月申酉利復怨銷兵

魚海靖鯨鯤璆琳琅玕貢崑崙四西勒圖何瞽昏

固爾  
札廟

內喇嘛分四牀謂之西  
勒圖蓋彼之掌教者云

助逆不當遭却焚竭和韓韻足

解煩泰山北斗一抑捫

### 禡木特詩

厄魯禡木特本其舊宰桑領衆扎哈沁

扎哈沁者守  
邊界之人也所



職守邊疆昔奉其主命侵掠我駝羊

事在雍正八年

西鄙衆軍

士羣知勇異常前歲三策凌

都爾伯特策凌策凌烏巴什策凌孟克彼中謂之三

策嚮化入相望禡木特親追闌進我卡墉弗及乃退出

未敢肆猖狂維時予有命邊臣爾何恒

時駐烏里雅蘇台防邊者為副

都統達青阿即以此事得罪今降為侍衛詳見後

隘界等無人不擒汝罪當邊

臣聞乃懼誘致奏九閭予謂不明討計誘失斟量命釋

禡木特薄責勵戎行阿睦爾撒納彼中久披猖禡木特

與戰屢勝兵威揚撒納大窮蹙始決親來降侵尋彼大

亂我師壓境強禡木特亦歸優眷加冠裳進兵命與議  
造膝陳言良撒納今雖順其心乃豺狼不可命彼往往  
必為厲殃予云不逆詐遣彼亦何妨使其顯背叛正罪  
往斧吭亡何定伊犁亡何逆蹟彰譎賊謀夙定煽亂為  
鴟張禡木特力寡勁敵歸途搪禡木特與將軍班第等同駐伊犁尋以養痾他  
適無兵衛比聞變將脫猶手刃三賊力盡馬亦僵被擒  
歸為叛黨哈丹遮獲

見撒納不屈氣更昂逆賊責之云衛拉天各方汝何心  
嚮內同類而相戕禡木特唾之理義人之綱舊主嗣早

絕謂噶爾丹策凌

匪我獨恕忘大君惟討逆信義昭煌煌擒我

復捨之既歸恩遇滂於恒尚應報起死可弗償嚮內非  
獨我汝先沐寵光一死我弗懼駢誅汝立亡逆賊慙無  
言絞縊厥命傷伊犁重底定遊魂走踉蹌脅從以次擒  
生致明憲章問以禍木特畢知顛末詳烈士何處無未  
可分域鄉錄實隱括辭千載流聲芳

花門行

花門雜種其類繁玉闌迤西西海連或居城郭或遊牧

牧滋畜獵城者田其性均能殖貨產剛勇善戰則鮮焉  
部落雖殊形貌似皙面綠瞳赤髮鬚大宛即今哈薩克  
布魯特近古于闐其他不堪俚指數要視強弱為歸叛  
<sup>叶</sup>準噶爾昔全盛日役使若輩如奴佃令棄故居來伊  
犁課其引水種稻私服勞供賦不敢怠詎知隱恨已有  
年逆渠去歲竊據際回人助之藉少安台吉宰桑心不  
一逡巡各退遭顛患<sup>叶</sup>而何逆渠復狠忌謂回人衆其  
力全不早圖之將受害機事不密回人先遂攻逆渠渠

敗衄回人還向故土遷拆屋伐樹示不返伊犁荒涼吁  
可憐地積白骨草木赤腥風吹野遊狐獾一究構害貽  
萬億降殃會見昭昭懸

蕃劍行

蕃劍一泓波溢塘釁從文起飛寒芒其來伊犁萬里外  
限以大幹天各方語言不通振古異誰歐冶為去聲為魚

腸昔策妄阿拉布坦草創絕域誇雄强大小策零敦多  
卜皆其羽翼兄弟行大者善計善將將小者勇萬夫莫

當矢石雨下自弗著亦不驚避狀若常禡木特及撒拉  
爾自謂弗及言之詳此劍乃彼所佩用不離身持短入  
長强者死絕弱者亂曾不歷世羣喪亡熒熒孤媳挈部  
落歸命貢此呈天閭暴得暴失何足紀聊紀嚮化武庫  
藏聊紀嚮化武庫藏吾猶慮其為龍飛去水中央

蕃甲行

權輿甲冑作軒轅銅頭鐵額人驚看函人慎術精五屬  
合甲壽至三百年然惟犀兕察革空

上聲眠裏眠朕要取

堅後世乃有鎖子甲鐵環金練蛇鱗翻我聞其名未覩  
物偃武日久工失傳底定伊犁盡肉袒台吉宰桑來後  
先取其重器藏武庫鐵章蕃甲驛致駢上年平伊犁得鐵章一蓋其台  
吉世所傳用當時噶爾丹策凌恃遠抗大數入聲擾邊其  
詳見記中

人狡譎習攻戰頗能憐下人稱賢備器致用懾鄰服哈

薩克無能為患以武得之守詎可逆天內潰宗弗延廿

一昂吉皆入化

昂吉者蒙古語部分也準噶爾所屬或一鄂拓克為一昂吉或合數鄂拓克為

一昂吉凡二十一是皆噶爾丹策凌分內者今均內屬其衆台吉下之鄂拓克則各令其汗王札薩克等掌之

一如四十  
九旗之制

四圖什墨為我臣

叶噶爾丹策凌於其諸宰  
桑中擇四人為圖什墨圖

什墨者大臣之稱也又其次為六札爾扈齊佐圖什墨  
理事者也今仍其舊授四圖什墨為內大臣札爾扈齊  
為散秩大臣管理  
二十一部分之事組鎧虎皮包弗用或異得四白鹿旋

處暑

代謝憑誰測由來其理常天高雲影淡日遠樹陰長池  
葦何妨白田禾漸喜黃風從西北至思共捷音颺

熱

數日金風爽將云節已更何來劇炎溽轉覺甚朱明早



稻真宜暴晚  
蔬慮過晴  
兼全信艱致  
可以驗人情  
羅扇藏還展  
絺衣疊復披  
不妨重一試  
了識不多時  
蟬噪如相競  
蛩音自覺悲  
西師歸奏凱  
或免冷侵肌

詠枕榔文洗

成材出南土  
製器設東榮  
樸斲非雕鏤  
天然稱品評  
文如竹連理  
色似玉含璫  
承水宜高密  
其心一例清

西直門外

石街瀾迤禁城通行慶  
平明返法宮  
候值銅禽催玉粒

晴看寶穠颺金風煙澄綠墅趣無盡露重黃疇望總同  
茂對自教心慰悅可知憂預肝宵中

承光殿作

曾城十二匪崑崙每凭朱欄興欲軒白帝素娥留古栝  
秋風太液自金源暇當綈几身聊憇景入紗疏意與存  
重構輿梁利行旅新看虹影飲波翻

御河橋年久  
重修時成

悅心殿

氣澄景已清雨霽山愈翠位置本人工歲久足幽致詎

祇春陰佳請看秋光媚瓊島暎峭蒨太液披清泌遠俗  
得靜怡味道資深契可以減芻豢孰云非禮義

賦得太液秋風六韻

呈漪如應律拂沼似行空三架水雲榭

水雲榭構液池中刻太液秋風

詩扁于石屏

千秋閭闔風依然閱今古誰與辨雌雄似妬鏡

光白偏拖縠影紅波潏驚睡鴨岸響送吟蟲佳景春明  
紀由來賞莫窮

賦得人字柳

豈必蒲同凋早亦非花與榮爭借問人稱誰氏依稀彭澤先生

賓竹室

月下檀藥影風前淅颯聲  
籜兮吹汝和去聲夷也聖之清  
等度真瀟灑安排豈城平  
便應延入幕底鎮傲南榮

秋日瀛臺

碧樹朱樓翠島峴到來人似月中人  
千枝共愛霏金粟九斛誰當輸玉塵  
境詣幽惟却藻續水澄波處養冲真

笑予未是忘言者鳳味龍香率喜親

舟泛長河雜詠

香飄禾黍露華浮悅目長河耐進舟欲返御園趁晨爽  
桂花深處度中秋

隄柳汀蘆澄曉煙鳴橈聲裏度前川迴看萬壽寺中柏  
活句放叅忽一年

建閘通舟利漑渠設如一瀉乃無餘因思績學將治平聲  
政醞藉為高要在徐

中秋帖子詞七疊前韻

有序

萬寶西成九秋中夕頻年染翰曾裁七字之詩隨  
地徵吟舉續四篇之韻憶昨歲仙莊錫宴錘峰暎  
萬樹燈燒緬酉秋西苑摘毫太液愛一奩冰澈乃  
者紀開丙子序屆白藏金艱轉而銅雀鳴珠露灑  
而玉甍滿賞良宵於爽節撫清景於御園湖接昆  
明不數汜流光於甍社山連萬壽何勞誇幻術於  
廣寒况值法宮行慶之初迴螭頭星擁又當紫塞

大蒐之旋舉豹尾雲高萃勝事於一時具人間之  
四美惟是遠懷莫釋詎逸豫之能耽顧茲佳景當  
前庶憂勤之共寫疊賡舊什用示新裁

人自匆忙月自閒誰能萬慮一時刪韻翻七疊詩初度  
却喜園林接壽山

世界三千放大光桂宵擣藻字應香應潮為憶吳江浦  
二鬴能不平聲足筮匡

陡懷西北未歸師淨洗長吟杜甫詩瓜餅絃歌渾覺厭

清光獨對照清池

捲幔山河近水樓  
嫦娥應道獨宜秋  
玉堂事動成佳話  
染翰詞臣共舉頭

中秋即景

天龍應是謁蟾宮  
竟日霏霏細雨濛  
入夜擘雲全體現  
中秋佳節萬方同  
玉蕊含澤黃滕外  
金粟飄香碧海東  
朗照遐思到西極  
凱旋佇待奏膚功

仲秋萬壽山



月夕堂堂過壽山得得來最宜點湘筆豈必獻瑤杯桂  
是餘香矣蓮真淨色哉明將發清蹕對景一追陪

望蟾閣

宮堯傑構俯昆明金粟銀漪映座清不負佳名是今度  
尚看曉魄掛西楹

瑩心堂

秋堂峽上號瑩心坐聽泠泠不操琴境為心瑩心為境  
主賓妙趣足研尋

綺望軒

高下黃雲一色同  
西成今歲幸綏豐  
秋郊端勝春郊望  
惟是閒花紫間紅

玉河泛舟至玉泉

數里煙波渺一川  
源委通便教鳴桂棹  
可以達花宮  
山色看看近秋光  
處處同點汀蘆穗  
白照岸蓼花紅  
水物宛供賞  
溪田又卜豐  
底緣心不釋  
西北待成功

靜益書屋

三間精舍白雲隈  
今歲居然初到來  
不是山靈具神解  
爭教秋蕊一時開

犁雲亭

閱耕亭子青雲表  
鋤雨犁煙憫最勤  
每值秋來方稍慰  
綠雲即漸作黃雲


近青閣

閣號近青樓  
碧岑高秋騁目一登臨  
近朱者赤近墨黑  
到此偏饒空翠心

弄珠室

淋漓溢蘭塘萬顆呈夜光底事弄不盡  
鮫人箇裏藏

御製詩二集卷六十四



總校官庶吉士臣侍朝

校對官庶吉士臣徐如澍

謄錄監生臣張孝基

欽定四庫全書薈要

集部

御製詩二集卷六十五

詳校官原任編修臣徐立綱



欽定四庫全書薈要卷一萬三千三百九十二

集部

御製詩二集卷六十五

古今體九十四首

丙子六

秋日奉

皇太后幸口外行圍啟蹕之作

膝下常承愛日歡  
不暄節復不嚴寒  
山山海海增  
遐算歲歲年年奉

大安



遠近黃雲馬首逢西成定矣慰良農三時望念一時副  
始覺東來喜氣濃

夏書曾是戒禽荒秋獮春蒐典更詳肄武寧邊具深意  
萬年家法仰

仁皇

懷柔縣

鳴鞭常却輿歷歷度田廬省斂當金皞侵晨戴望舒况  
茲臨朔塞每以覲蕃渠兩字標山縣名言實起予

熱

中秋前後夕微雨送輕涼將謂侵尋冷晚田慮或妨切  
切不愆懷寧止行旅慶適日當駐宿過午每宜賜農喜  
穎穗實馬免炎暘傷雨全信艱致慰矣心轉惶

要亭行宮對雨三首

午熱蒸為雨晚田潤待秋蕎蔬均得益囊橐早應收遙  
嶂青橫滴空羅白豎流誰云值清暇正爾問軍郵

較農今歲好籌遠旁

去聲

秋煩了識無多幸人情未易言

即看一雨爽便為昨朝暄坐對濛濛者因之憶玉門  
簷聲細注瀑樹色暝生煙此景非今始相逢屬偶然由  
來挈行筇便與命吟箋入夜雲容散明朝好著鞭

出古北口詠古

夜雨朝晴候襟燕帶塞關遼哉縣萬里壯矣據千山豈  
復藩籬固誰知肘腋間鬼工猶覺費民力信其艱此日  
滋耕鑿行秋每往還不隨今古變一片巔雲間

常山峪行宮作

依綠構行館標紅見早楓秋光逢塞外詩意滿窓中

至避暑山莊即事

巖莊松塢行行到水石煙花在在僊月宇真稱離俗地  
雲窓雅喜讀書筵試聲秋鹿曾何謂弄影春駒有底緣  
嘉讌年來多惠遠翻愁渴望凱音旋

春好軒

年年清蹕傍秋巡那值東風入座新忽笑拘墟寧謂是  
階前粲者豈非春

宿雲檐

昨日清明今日雨，煙絲風片霏林楚。珠簾捲不去，溟濛宿雲妙趣。參爾許妙趣，宿雲匪今夫。竭來欣遇，謂向無世間萬事，率如此不為。去聲物轉其誰乎？

鑑始齋

地是諸天上，山如太古初。披芸人不識，疏仡以前書。

晚荷

野水寒塘幾柄芳，不妖態度出塵香。風前全露凌波體，

塞外常看耐冷裝色共巖楓翻夕日  
卽同籬菊傲秋霜  
關南開早凋還早信屈憑參理趣長

雨中觀瀑

湧翠巖邊水閣宜清秋雨共瀑簾垂澄觀契妙恰於此  
摘藻成吟又一時點滴難分光上下溟濛一合相然疑  
是聲是色是空寂今昔何須每繫思

熱河啟蹕之作

大獮乘秋貴及時朝來清蹕啟雲達一天霽景浮輕爽

幾曲寒流溯遠涯龍塞風光看迤邐雞翹儀衛發歲隄  
仙莊漫惜餘吟興歸轡尋題詎是遲

山店

山店誅茅亦易成居民火種復刀耕孳豚處處牢堆石  
防虎家家柵樹荆粗糲聊安衣食計逍遙且免市廛征  
前驅俞騎休呵譙政欲窮簷悉隱情

朝嵐

朝嵐夕靄人常言率擬霞標而已矣不知斯亦氣流行

如潮汐自滄海起兩山之間必夾川萬澗千溪匯於此  
嵐靄定從川下降倒行逆施無其理塞上厥侯益分明  
曉暮添衣乃所以濛濛淦淦中驪鞭自遠望之謂雲裏  
都爾伯特台吉伯什阿噶什來覲封為親王詩以

### 紀事

來歸就弟兄

前年來歸之策凌策凌烏巴什皆其同族弟兄

嚮化慕簪纓不作

逆天黨

伯什阿噶什曾于軍營告逆賊阿睦爾撒納反謀逆賊招之不赴

惟殷捧日誠

用茲嘉乃績便與錫殊榮式戒蜩蟬沸永遵帶礪盟



入崖口

底須連網結周陸獵壤神臯控廣輿自有萬峯作郭郭  
天然雙嶂作門閭入來草木皆仙意無礙山河只古初  
懷遠習勞

家法凜詎因哨鹿每勤予

暖

出關颯生涼塞上疑已霜崖口昨來入反覺暖異常亘  
嶺樹多綠綿谷草未黃侵晨著絮衣卓午換袷裳對時

體溫肅隨地愛景光

雨獵

炎蒸為雨信有哉獵騎已布霽脚來連嶺隔谷罷誰是  
便冒霖霖催龍媒時忽飄絲時忽止光怪千峰難狀擬  
勁羽雖濕亦能飛駭鹿欲藏還瞥起應弦馥中萬人喜  
厄魯咋舌銜其指雨衣宜瓦非所知南北之強異張弛  
儒冠著製候和門不識今朝復有此

九月朔日

秋惟季月清塞至興安迴潦盡潭益澄葉落山愈靜松  
蒼識勁節楓丹繪餘景肄武既云要勞衆亦應省事鮮  
兩全方為是頻耿耿

霜

盧龍真是塞青女每先時不待雲鴻報還惟巖鹿知素  
華明蓋羽颯冷拂鞭絲為憶從軍者天涯露宿披

行圍即事

秋獮乘時歲一來神臯素節靜無埃迺千二百騎惟羽

布左右中官是材木葉已看吹籟落野花還自冒霜開  
揆文奮武難偏廢點筆賡箋每召枚

神心妙達是清秋地迴興安景更遒雲影山光含動靜  
泉聲葉響驗沈浮目鴻霞表懷因遠耳鹿崖邊興亦留  
校量常年得佳話隨園今後有渠搜

兩翼鴻網隔嶺張黃麾據勢獨堂堂如身使臂臂使指  
舉網有目目有網地豈稻秔馳騁得林真錦繡詠歌常  
山靈似有相應處子墨虛文免賦揚

九日侍

皇太后宴並賜內外王公諸臣食即席得句

氣霽興安景廓澄南山映

座祝如陵羊頌儘有銚炊土饒飾何須旗翦綾節喜延  
齡欽孝養宇恢廣漠暢靈承重陽自古傳佳話龍塞登  
高信孰曾

宴土爾扈特使臣

烏孫別種限羅義

土爾扈特亦準噶爾厄魯特也舊為四衛拉特之一曰綽羅斯曰都爾伯

特曰和碩特曰土爾扈特策妄阿拉布坦時與土爾扈特構釁土爾扈特全部西北去乃名輝特為一衛拉特故今土爾扈特南則限於哈薩克東則限於俄羅斯欲至中國必假道於俄羅斯又名羅義云 假

道崎嶇歲月賒

戊戌年自彼部起程今始至

天闕不辭欽獻賁雪山何

礙許熬茶

蒙古以詣西藏熬茶為要務故並許之

覆幬誰可殊圓蓋中外

由來本一家彼以誠輸以誠惠無心蜀望更勤遐

### 山月

依依漸出林同同高映岑瑟瑟秋方季寥寥山復深網水上下光呦鹿悠揚音颯景自伊古靜會偶於今徘徊

入我牕武帳延清襟坐見林巒間適者獵騎駸生風興  
固豪耐可閒對心

雪

破曉雲濃傳罷獵霑衣將謂雨霏絲須臾亂灑冰花落  
塞景離奇幻若斯

翠柏丹楓瓊蕊結側峯橫嶺玉屏開營丘畫與樊川句  
問爾何從見此來

既密還疏飄散漫雖寒不濕靜便娟便教收取三清煮

武帳由來有宿緣

丙寅十月定興道中雪  
水煮三清茶曾題句

昨歲允南省諸臣之請命於開春南巡尋以偏災  
慮妨賑務而罷今年麥稼豐登諸大吏復申前  
請從民望也爰諏春吉恭奉

皇太后再舉時巡詩以述意

春省思酬望幸民因災還命罷南巡蠲租賑米蘇溝壑  
旰食宵衣塵苦辛慶值稔秋歌澤國欲觀元氣復比鄰  
為行為止無非事冀博



慈顏動喜頻

木蘭迴蹕駐張三營行宮之作

駸駸羽騎木蘭迴別館依然此去來  
窸窣聲中楓葉下  
掩馱香處菊花開  
圍塲且喜千村稔  
橐籥明參一氣培  
輔相對時緊我責無厭從獸豈宜哉

木蘭迴圍駐蹕避暑山莊

翠罕逶迤大獮旋仙莊駐賜遠人筵  
三秋山景欣逢閏  
踰月林光稍異前  
菊有黃華迎籟馥  
楓多丹葉綴霜鮮

問予餘興曾何是千里雲峯阿那邊

永恬居

精舍築山深雲逕殊窈窕始披蒙絡入忽據槎枒表瀑  
細石骨瘦霜澄峰態皎六情不期恬萬慮何能擾逸興  
託高妙契良不少

遇閏

遇閏深山秋益深每因趁暖一幽尋松盤巖腹蒼中翠  
葉落波心靜裏沈鹿度巖邊看活畫禽鳴林際聽仙音

養生自是斯間好勤政名軒敢忘欽

萬樹園宴都爾伯特親王伯什阿噶什及土爾扈  
特使臣吹札卜即席得句

碧霄晴旭曙光澄穹幕高張翠氍毹禮法不拘從所習  
友羣何礙集相仍捧盈常切予心懼奠遠惟欽  
祖德憑萬樹清暉懸

聖日未曾可識昔猶曾

澄觀齋

雲軒據水源月牖含巖壁  
潦盡鳴峽寒葉落歸根寂  
何必懷菁蔥於焉識闔闢  
少坐憶

堯年不殊讀周易

暖

通閏秋偏長關外候尚暖  
乘時種宿麥翻犁起閒緩  
塞瑾既已畢衣食粗云辦  
叶問閭象安恬繡衣何必遣  
因知為政方居敬而行簡

寒

一夜山風急曉來生峭寒炎涼變何速消息理憑看坐  
愛當牕日遊遲隔水巒獨思扈蹕衆寧不怯衣單

嘉樹軒

落葉蕭蕭下廣除甌香研淨一相於雖然秀木嘉陰歛  
贏得橫斜牕影疎

一片雲

對岫山房一片雲祥籠寶篆鎮氤氲試聽細瀨琅玕戛

何異風篁嶺上聞

名勝志餘杭風篁嶺上有一  
片石青潤瑣瓏舊稱一片雲

含粹齋

水複山環處秋辭冬稚初一牕欣暖日半卷閱經書含粹無過此名言實起予會心期浴德詎為注蟲魚

罨畫牕

寒林古木翠微間積素依稀皴遠山設問畫家應去聲誰氏所披彷彿鬚似荆關

古澗泉

古澗泉淙淙滴滴幽岕斟若有若無斷且續盈科不競

淺復深却如南華已槁之木又如五柳不絃之琴古澗  
泉惟應印古月以為心

萬樹園賜都爾伯特親王伯什阿噶什及土爾扈  
特來使觀燈

鱗集來王有後先堅昆馳使又踪連衢樽錫宴前朝洽  
寶炬裝燈午夜妍銀燕火蛾紛樹下驚麋駭鹿避崖巔  
侈觀詎為誇遐屬習爽光明示別權

閏九月九日作

遙村近墅霽煙光立馬崇椒了不涼自是登高宜上塞  
不妨把菊閨重陽天臨澄廓目因遠樹謝繁華意轉長  
邇以捷音待西北每當歡樂轉徬徨

千尺雪疊去歲韻

坐如聽雨發言泉對似披圖訝雪懸摩詰小幀右軍帖  
一時默會景依然

軒牕清似玉壺冰偶暇憑臨詎未應常住此中合誰是  
翻饒窗外碧峻嶒



去年吳下已馳神欲攬寒山續舊因却為長官勤賑務

南巡還命罷今春

亥秋題卷有分付寒山聽雪閣臨流  
搜句待明春之句尋以江省秋歟罷

南巡之命頃乃  
命於丑春舉行

### 明牕

山房淺置簷曦牕暖烘幕溫暾晃陽林朔氣避陰壑  
儒擬白駒速農喜黃綿著緋几陳芸編稽古一斟酌  
衰盾殊愛畏絜矩知所託

### 素尚齋即景

蕭蕭落葉下亭臯，入牖峰稜瘦且高。  
盡洗鉛華歸素尚，頓捐色相得真陶。  
五三了可參幡蓋，咫尺那須想濮濠。  
結習由來未忘却，率因即景一撓毫。

喀喇河屯行宮對雪

閏九月十三日

施慶柔遐歲事旋灤，陽駐頓忽經年。  
吉行五十較猶近，喀喇河屯去避暑。  
山莊繞三十餘里，冬令三朝報在前。

是月十五日立冬

玉積峯

巒迎座秀花粘林，木勝春妍山容水態由來慣。  
點綴寒霏特地鮮。

# 積素

積素迷離隱翠嶠朔天見曉未云消連村畫景張橫幅  
著樹梅花發野橋駝怯石溪銅鐸細人投茅店酒旗招  
鳴鞭為卜邊關內可得盈疇被麥苗

# 暖

一綫巖關變涼暖雪無餘白樹留青盈冲詎是移天紀

起屬由來據地靈

關內常暖於關外或謂一牆之隔氣候頓殊不知長城原據太行之餘而

築山界南北涼暖自殊此理易知耳

僕役衣單宵免歎圃塲稼納歲方寧

謂宜慰矣翻悞悞西北捷音亟待聽

逆賊阿睦爾撒納奔竄哈薩克我師深入追捕雖  
屢戰勝而賊蹤益遠因念絕域曠時不欲久勞  
師旅宣諭撤兵詩以述意

窮寇且莫追天邊命返師一月既三捷

定西將軍達爾

雅爾拉罕巴巴大敗遁去又殺賊於伊什爾罕巴巴罕  
都拜大敗阿睦爾撒納易服而逃又定邊左副將軍哈  
達哈等殺賊于毫哈薩拉克山阿布賚大敗走兩路將  
軍旋以屢戰馬疲請暫退師明春再行進剿而朕先是  
已降諭旨命黷武寧爾為伊犁新奠定四部待休滋脫  
撤師故從之

兔丹津似會看俘闕時

青海羅卜藏丹津竄入準噶爾者三十餘載上年平定伊犁獲

之獻俘

闕下

御門日作

省方秋蹕旋勅幾明庭莅畋遊曷可極功叙無非事虞  
機省厥括絲綸慎所自疇咨實在茲都俞益增愧無過  
孰則能動是吁可憐

命鄒一桂圖洋菊成題句

洋菊近年始出各種不一其大有徑周尺者不見

於古故令一桂圖而譜之

本是東籬種誰教冒海西  
藝林闕形肖卉譜漏名題聊  
亦與其潔寧當漫莫稽  
傲霜金碗麗裛露玉盤低  
詎謂出藍也由來一鳳兮  
小山神晤處招隱調原齊

孟冬時享

太廟禮成有作

太室烝禋舉躬親志倍欽  
代因時遞遠敬與慕俱深  
鳳管和韶奏犧尊清酒斟  
不遲還覺速

優愼儼如臨

馬遠撫琴圖

箕踞蘭椒頭竟科瑤琴橫膝待援麼高山流水依然是  
未解伊人志在何

咏顯微鏡

玻璃製為鏡視遠已堪奇何來優逮器其名曰顯微能  
照小為大物莫遁毫釐遠已莫可隱細又鮮或遺我思  
水清喻置而弗用之

冬日淑清院

小陽節氣喜暄妍  
深峭通幽曲徑穿  
凍水落崖皆玉立  
假山閱歲似天然  
底須桃李芳爭艷  
獨愛松筠秀且娟  
又是年來冬景矣  
冰牀早候柳堤邊

西直門外

鳴鑾鳳城外御苑  
欲閒臨納稼千村  
景授衣萬戶心蒼  
蒼切寒氣靄靄釀  
雲陰便冀霑三白  
滋培麥壤深

御園即景



旭影溫暾射瓦霜  
穉冬景物足徜徉  
庭松不改青蔥色  
盆菊仍霏清淨香  
省歲幸逢秋有穫  
翻書恰喜夜方長  
閒心略擬湖山寄  
無逸關懷未敢康

玉椀

玉椀來回部  
輸誠供闔閭  
召公懷不寶  
韓子戒無當  
異

致白毛鹿引恬  
頰尾魴

回部葉爾奇木哈什哈爾初役屬於準噶爾為所拘繫因我大

軍戡定伊犁始釋之令歸所部其長伯克和卓遣使求內屬此其所貢也  
勞徠非力并

天眷奉昭彰

冬日靜宜園

閱歲一遊巡林嵐畢露真偶因萬幾暇暖趁小陽春別  
墅宛新畫好山皆故人憑臨偏愜意納稼見高囷  
雲峰倚天瘦瀑水帶冰淙漏響隔林滴屐聲空谷足憇  
尋背風屋坐愛向陽牕廣廈詩人願矧吾撫萬邦

來青軒

巖齋芸座小延停理趣當前悟色形漫道千林皆隕籜  
由來松柏是恒青

靜室

靜蘊動之機動彰靜之理譬如水與波豈能別彼此攀  
躋詎非勞宴息因至止隨照乃失宗歸根盡得旨虛室  
設有云糟粕而已矣

夕

日短漏疑促山高天易夕蒼茫自遠至亦先見蟾魄一  
屈斯一信間不容揀擇隨時愛景光汲古翻書策去歲  
與今宵如是何曾隔

翠微亭

幾枝枯樹一危亭  
拳石無多多詭形  
記得畫圖曾見處  
迂俛每契此中靈

寶諦寺

名山啓初地  
法界落中臺

是處肖五臺菩薩頂為之菩薩頂即中臺也

像是

黃金寫經因  
白馬來禪枝  
冬不謝意蕊  
雪如開去後聞

鐘韻還疑叶斗纔

北臺峯名叶斗故云

香林室

結宇依香土延緣每一尋地因絕塵迴山豈藉林深不  
作色空境誰知來去心題詩在巖壁念著付鳴禽

碧雲寺

祇園近北隣

寺在靜宜園之北

山靜得來頻佛自如如相予惟

業業人未妨遊偶暇了足悟清因不藉山僧住今稀能  
可倫

試泉悅性山房

天池不凍一泓清汲取還教活火烹瓷椀竹鑪皆恰當

新題舊什各分明石泉豈改瑱琮注雲巘常看圖畫橫  
小坐便當移蹕去三間多矣笑斯營

原大學士傅龍翰先生輓詩

拖紳避省視

前冬先生抱恙時朕親臨視比於病中恐朕軫念戒家人勿以聞及聞喪往哭尚未

大斂易簣慎初終自昔賜塲歎從今融帳空儀型失老宿

啟迪憶童蒙未及詢楹奠於斯恨莫窮

題張宗蒼雲嵐松翠

宗蒼南去人成古松翠雲嵐此乍逢自有不亡者恒在

許他閱世墨華濃

題王獻之送梨帖

送梨未審於誰氏凌雪宛看大谷珍因王昔有得羊者

題語欣逢筆諫人

卷尾有柳公權題跋

冬至

南郊述事

問夜惟聞陰或晴慶逢升輦集祥靈燭含玉蕊輝千朶  
樂叶瓊葩奏六英氣復始陽欽朔旦膏培宿麥惠農耕

近安遠奠均

天貺顧諟恒殷劼毖誠

王蒙修竹遠山

亭覆修篁瑟瑟崖臨流水淙淙記得會稽山下暮春遊  
目曾逢

報圖寺十韻

彰義街旁寺開堂久自元增修傳勝國祝嘏為慈尊又  
數百年閱那莊嚴相存往來惜頽廢葺構省華繁幢石



難尋址虬松尚護門毘盧弗見閣祇樹不妨園頂禮觀  
音在傳聞窰變原靜觀因有會了識未忘言成矣寧無  
壞今今古漫論五言識顛末聊當去聲願碑擇

題白雲觀木瓢

琳宮偶過憇天長真率木瓢小像旁都道提攜來漠北  
誰知津逮自襄陽

題慈壽寺塔

堵波就圮為重修綽楔林林試目留建置非瑄卽中壺

勝朝政蹟戒前軫

偶寫雪梅并系以詩

先春寫素梅得雪為清友寒香色一家賓主誰分割口

微弄數珠腰豈折五柳如幻斯已然即真審能否

時方望雪

云故

隆長寺

燕都四百載梵宇數盈千自不無頽廢豈能盡棄捐間  
因為葺築亦以近街鄺重見金輪煥成詩紀歲年

藥王廟二首

瀕河梵宇足清涼  
閱歲庭前柏子蒼  
興廢由來世間相  
何關常住大醫王

當年階下有豐碑  
持去誰將鎮石為  
聞是椽人留姓氏

長繩百尺拽誠宜

見溪水亭雜識

雪中視朝

報曉雞人報雪霏  
翠雲裘御啟彤扉  
祥煙低羃金猊鼎  
瑞葉紛飄赤羽旂  
三白早占后稷穡  
千官都點謝莊衣

明庭端拱承

天貺益勵兢兢謹勅幾

丁丑春帖子

早春日最早

朔日冬至方得臘月望立春為最早也

寅月節逢寅

是歲立春日戊

寅底藉十行詔無時不體仁

乘氣南邦將布澤柔遐西海願銷兵東皇橐籥被無外  
北極車書奉大清

除夕

丙子今朝剩青春半月過誰能不歲惜惟是奉時和仙  
木裝新社宮梅發舊科帝京饒樂事萬戶擁笙歌

御製詩二集卷六十五

欽定四庫全書薈要卷一萬三千三百九十三

集部

御製詩二集卷六十六

古今體一百九首

丁丑一

丁丑元旦

應候土牛稟歲辰早先三五報新寅

十五日戊寅  
立春正月節

春歸

與物欣舒疊地闢流沙願靖塵閭闔九重開詠蕩共球  
百辟會臣鄰垂衣日久心彌敬首祚行時切體仁

元旦試筆

喜聲瑞氣遍皇州  
春旭先輝北闕樓  
交泰三陽肇義象  
斂時五福協箕疇  
詔書寬大銜金鳳  
歲德耕耘利土牛  
日勵自心強不息  
敬

天勤政又從頭

端門五雉啓昭蘇  
拜舞彤墀百辟趨  
玉琯調元欽

吳絳金甌卜世永  
皇圖再巡南國頻  
頒惠佇竢西師早  
獻俘息事寧人繫  
本願久安長治敢忘謨

乾清宮小宴諸王即席得句

紫鳳迴春歲籥調乾清嘉會慶三朝化民政要先敦族  
行葦歌聲並頌椒共祝康年遍寰宇端知和氣霽宮寮  
本支百世繇瓜瓞景福如川御正饒

正月二日降旨免江浙積欠詩以喻志

始和布寬大頻年率例行茲當巡東南盻彼望幸情辛  
未縱蠲豁寒暑六歲更况復屢遭歉溝壑哀鳴賑賙  
救一時賦稅有常程災重乃蠲租其輕則緩征積少因  
成多數累巨萬盈催逋民奚堪是宜一免清長吏詎政



拙閭閻寧留羸指日澤國臨吾將省春耕

溫牡丹

羣麗鼠姑芽春屏色暎嘉特教先夏令真合是唐花頃  
刻舒繁蕊烟煨醉艷霞奪天工巧者胡不藝桑麻

毛益牧牛圖

老特前行隨小犢情雖不舐也相關甫田雨足耕犁罷  
春草如波縱斷間

戴嵩聞說藝神絕童子居然在兩睛脫殼安能容對照

廣川別解詞精評

正月二日小宴廷臣

白獸依元日瓊筵會九賓屬當資始候同是亮功人欣  
舉觴浮柏休誇脯擘麟盈廷漫稱頌一意更猷詢勤遠  
戒應凜寧遐道底臻張皇申捷伐奔走厘臣鄰酒醴今  
朝饗苦甘多士均惟期靖醜逆凱宴繼斯陳

時厄魯特  
叛黨弗靖

命將擒討統兵  
諸臣皆令與宴

賦得文本八韻

木有脫其皮枯其津理片片不相傳賴兩端圓圖  
以全者蓋數千年上物矣藏之內府不記何所來  
名曰文木而系以詩

曲直何年木澄觀表裏通紐紋纏左右脉理透玲瓏鱗  
蛻唯子骨神充未渙躬滄桑閱今古枝葉謝龍葱牛蔽  
寧同櫟琴裁豈似桐伐柯則已遠炙轂辯應窮不辨檜  
松質真成內外空設如擬鳴雁轉覺彼心蓬

題趙孟堅水仙二絕

清泉照影澹無痕白石為隣態共騫紀異無須道河伯  
傳神端許擅王孫

屈子行吟湘水濱楚人擬說水仙人離騷讀盡無名字  
應是難為自寫真

### 出師

出師在何所仍在西北荒渠魁既未獲醜逆因跳梁留  
處軍原寡計月輸餽糧協力翦渠羽中路乃乖張反戈  
忽內向百騎曾奚當

噶爾藏多爾濟報將軍兆惠以巴雅爾搶擄人畜請發兵協力共勦

兆惠因遣將軍和起調扎納噶爾卜等諸部落協擒巴雅爾而扎納噶爾卜哈薩克錫拉等中變和起所率兵僅百餘人以衆寡不敵遇害

犯臺奪軍食遂致大獺猖迴思去年來

飢賑亂與康誰知煦嫗恩不足懷豺狼我直彼則曲六師宜張皇以正討兇亂言順氣倍強勁卒簡子弟召募非編氓叶儲胥發帑項賦役非加常其間或催賃仍令計價償究不無勞民寬賦頒十行內安外易攘逆靖順受慶丙夜籌軍機九微對燭光宴樂弗耽盤敕寧期久長出師匪得已永言示大方

詠白鴈

科爾沁達爾漢親王策旺諾爾布所進命郎世寧  
圖之並成是詩

蒼固其恒耳素誠罕遇之底須悲易染真可用為儀祥  
擬葛家語靈方班氏詩亦當想凌厲其奈絆環羈

題照盆孩兒圖

呼來却弗應顧時鎮相視扶盆問水中汝是誰家子  
相共挪揄嬉似與周旋慣道是影非真誰知形亦幻

肖貌劉家法

畫品有劉宗道照盆孩兒圖

形容高氏詩

高季迪有題戲嬰圖詩

寂憐玉筍種盡是籜龍兒

新正重華宮侍

皇太后宴

安輿迓中禁綵服引諸孫春酒介

眉壽華銓先

去聲

上元韶光融瑣闥和氣霽微垣柏葉千

齡願長承

色笑恩

詠龍泉盤子

乾隆二十年五月平定伊犁其明年侍衛哈青阿  
自軍營歸携古瓷盤一云得之吐魯蕃蓋宋龍泉  
窰也回人掘地而出以盛乳潼則夏不敗哈青阿  
以幣易之宋時其地為遼夏所隔不應達彼元世  
祖平西北二百餘國疆索最廣是物流傳當在其  
時沙塞沉埋五百餘載今遠人內面入我陶鈞嚴  
而藏之用示柔遠



盤子龍泉釉陶成脩內司何年歸絕域經歲翳沙陂飽  
識羶漿味寧無故土思李陵儼人也相較不如伊

題錢維城山水

竹逕參差外春山澹沱時試觀昏迥句幾許措微思新  
漲成波細輕烟泮曉遲祇疑幽絕處尚有許多奇

新正瀛臺

春到皇州始臺臨禁苑西暖將融翡翠凍欲解上玻璃  
盆雪梅彈萼隄烟柳吐稊假山如讀畫生意解去聲供題

藻績呈窓綺花牋拂几綈行將命春駕澤國慰來徯

聽鴻樓

太液輕冰未解池候惟北矣到來遲高樓試可如斯聽  
春色何妨許共知

同豫軒得句

因迥為高得軒榭蜃窗俯處見閭閻對時育物恒闕切  
士習民風藉驗覘春色滿皇州入詠後樂以天下同欣  
心殷保泰戒鳴豫周易分明註福謙

春耦齋

行春得餘暇小憩臨春耦舉趾彼尚遲于耦吾何有不  
可無此意以身先去聲黔首華銓懸綺綴麗景羅菱牖所  
樂詎在茲康年興施厚

新春小宴外藩

南巡將啓駕西苑預開筵節景迎元夜恩波例往年情  
聯新舊客春在鳳凰絃章黻彬儀度誰云表是瓊

叛孽適俘至儔前細鞫情

青溪雜卜本和托仄特貝勒  
世受恩育去歲北路從征中

道叛歸騰布謗言欲煽動諸喀爾喀朕命親王成家扎  
布將兵討擒是日俘至即于宴次鞫其罪狀以示諸外  
藩明與衆棄之義設如不跋扈一例被恩榮極典伊誰取圍觀  
衆莫驚各其勤職守彰瘡有權衡

### 悅心殿

初歲餘閒廣殿臨仙壺韶景遞侵尋梅含喜色舒昌蕊  
鳥漸能言弄好音勝展綺屏御人日雲籠瓊島正春陰  
便希六出瑤林綴此外無他悅我心

### 雪

正月五日

臘雪微逢望霈霈瑞雲入夜勢方添光連冰蕊輝金蕊  
片雜銀蛾撲玉檐三白乍欣祥卜歲一鉤無礙彩韜蟾  
不眠詎為耽燈景慰在農田韻喜拈

命丁觀鵬做頌愷之洛神圖成即用題頌元韻得  
句

見說後生畏誰云前藝空神傳期阿堵目送易歸鴻誰  
在依形肖堪稱積健雄緬懷八斗韻三百有遺風

人日

泰運三陽會復來七日同乃知四時首不外一心中雪  
後條風嫩春初綺旭融體仁繫我責茂對勵斯衷

詣齋宮作

鳳闥雪霽逗餘寒十二紅樓玉裏看富矣教之言似易  
泰來保合道誠難民依卜度徐移輦

天監昭垂敬視壇精室退居益欽若明當

祈歲志遑安

上辛

祈穀禮成述事

帝燭熒煌翡翠缸雲和迭奏玉金撝

祈年每厪歲豐歉勤政敢論日隻雙希聖皇風奠西海  
行敷化雨省南邦敬之惕若冰淵凜無易由言致駿厖  
降旨免甘肅本年額賦並積欠詩以誌事

西陲兵未罷戡亂非得已儲胥發官帑詎肯征閭里究  
之出諸民宣如無事美去年縱蠲賦今復新正矣地瘠  
貧民良施恩宜在此正供與全豁寬心勤耒耜積欠免

歷年奚用愁留抵靖外先安內化日春風裏

理趣

目力所見處耳聞不能到隔窓人語聞耳力目弗照聞  
性近而沈外物弗能搖見性遠而浮一指當前拗曰見  
不如聞聞遠知何調曰聞不如見見近蔽空眊此誣彼  
則信理趣符道要

韓幹明皇試馬圖

烏雲一朶簇銀蹄畫肉還看世鮮齊底識明皇親試馬



宣和餘得瘦金題

詠漢玉章

儼駢荆國璞中寶揖讓蘭臺傳裏人可考靖王因閱代  
獨嘉循吏為安民琢磨無蹟渾然古朱白分明煥若新抑  
此纍纍留氏者幾何人作翰筵珍

王蒙南屏山居圖

雲表層峯荷葉皺南屏翠色鎮如新詎嫌鐵遂為生客

卷尾有鐵遂道人題句後跋云當乘興造蘭所毋曰生客

未覺山樵作古人窓下展

書消甲子林間安竈守庚申衡門自有棲遲樂何問披  
裘與艾薪

恭奉

皇太后南巡啓蹕京師疊辛未舊作韻

有序

彊圉肇歲正條風應律之初太簇開陽協始和行  
慶之候爰諏令旦再舉南巡溯前度之遊歌星周  
六稔奉

安輿而莅止路指三吳翠羽金支掖

輦長依愛日黃童白叟迎鑾更慶瞻雲間俗觀風頌閭閻而求瘼敷膏布澤興井里之蒙庥舊韻重賡七言述志

澤國省耕紀憶辛山川韶秀信無倫前秋適值逢災歟

昨歲因之罷豫巡

前降旨丙歲南巡以乙亥江浙秋澇停止

橐籥轉旋農慶

稔黔黎籲請志重申肆鳴帝里和鑾駕一慰江干望幸民再奉

安輿出長樂徐遵廣陌衛勾陳青郊喜見餘晴雪綠麥

行看發始春淑氣眼前

天與益詩情馬首日迎新乘時展義非無事敢廢軍書

決裁頻

時平夷酋長巴雅爾等構釁命將擒討西北兩路軍書令其直達行在

駐蹕良鄉行宮作

青旂練吉指姑胥元氣憑看果復諸五載狩巡方過一  
三春景物恰臨初明窓溫席清依永昔日今時靜賞餘  
到處棲遲有行館兩言慙愧是懷居

月

過弦輪漸圓先節光偏耿燈事且遲遲紙窓照清迥大  
野寂人聲虛庭散松影斯景常在斯相值意為永

良鄉行宮疊舊作韻

首頓庭軒近帝里長途車騎指胥江不遷者問伊誰是  
風在寒檐月在窓

欲悉災餘耕織勞南巡詎為事清遼江山秀亦天然助  
頗覺遙飛興已豪

邇來頗有南來者都道羣黎望幸情然乎疑信吾猶半

信者吾衷保赤誠

塔影凌空曠野南  
節前古月正清酣  
奉

慈兼欲同民樂  
趙北燈宵即景探

辛未南巡十三日起程故即在此陳燈火

今歲以十一日起程命於十四日趙北口侍皇太后賞燈並許民同觀也

### 弘恩寺二首

蘭若康衢側  
往來路必經  
松門宛舊識  
蓮梵亦堪聽  
佛  
豈較今昔物  
皆肖色形東  
軒更幽絕  
片刻為延停

蓮社傳清派  
精修奉羣提

羣提華言律戒也

操戈渾一室  
豎拂

斤多蹊誰是忘懷者徒成著我今莊嚴斯信好可以覺  
凡迷

琉璃河

東風解凍春波決長橋飲練將百丈雁齒枕陸接石衢  
中流曾無十尺廣徒勞人力此胡為勝朝遺蹟得詔訪  
叶權璫素梓乃在茲春秋祭掃常來往有司畏勢為修  
塗葆蓋穩驅平似掌琢人凶馘一至此朱家宗社將奚  
仗適來固節度鹽溝架木吾猶發官帑守關豈得盡

廢斯惕然以懼  
畢然想

涿州行宮作

練吉巡江國重臨  
凹字城軒楹無藻飾  
几席有餘清興  
與新春發心依古月明  
金吾何必禁爆竹喜聲聲

漢昭烈廟

春秋氏族著承堯  
嗣服中山秩派昭  
鼎一足三成帝業  
牛黃腹白應童謠  
欲信大義心資亮  
還定全秦志類蕭  
千載樓桑尚遺恨  
其如安樂自逍遙



涿鹿行再疊舊韻

影燈喜爆鬧郡城民風豐歉覘經行行宮晚景正清絕  
辟詩歲月標分明西征士騰馬亦飽機緣

天湊時誠好其如審勢乏人為

西師所至仰蒙佑可刻日廓清而統兵

天

諸臣各分彼此致失機宜狼子野心殊詭巧降蕃變亂因畏尤

阿睦爾撒

納巴雅爾等皆因受恩驕恣自知罪狀暴著懼罹誅討遂決計叛亂

反面不顧恩遇稠聲

罪致討重整旅肯使偕德殘生留七擒南人不復反三  
年克之鬼方收身此南巡心西海宵衣寧憚軍書修

督亢陂攬古

督亢廣衍舊膏腴計使荆軻獻地圖持短入長奚濟事  
害成延禍竟亡軀馬遷作史失辭駁劉向傳經具政模  
引水開田言則易推行得當竟誰乎

新城道中雜詠

界河

匹夫信義猶當重況在堂堂萬乘君一水分疆界遼宋  
渝盟何惟致金軍

紫泉河

澄渾曲注皎然清千載如斯天一生何事相傳中夕變  
至今留得紫泉名

昇仙橋

賣藥橋頭不識名平明飛去上瑤京列仙傳大都如是  
徵實曾無一箇誠

觀射臺

淳化當年此北巡閱強弩射鐵林軍寧知後世浸微弱

五國淒涼泣朔雲

開善寺

藤胎俯仰八金剛  
聞道形傳道子唐  
不及趙州文武水  
至今功德浴空王

二忠祠

倉卒捐軀寧詎易

張叔夜

從容盡命信為難

文天祥

二忠俎

豆千秋烈古柏森森白日寒

再詠紫泉行宮十景

敞軒

一區十畝縣城陞密室敞軒各得宜路便重臨風日好  
吾心與物共春熙

屏山

門徑縈紆足幽趣一拳亦自得稱屏設如真展瀟湘畫  
翻厭施丹與著青

鏡湖

去年波影開奩澹今日冰光照座新可識凍融何礙鏡

往來都是鏡中人

舫室

重宇湖心還號舫  
層層疊石固階基  
載舟得託常安穩  
吾亦因之悟所宜

梭亭

棲崖一笠祇容身  
滿受春風迥出塵  
設擬應真留下物  
能叅背觸又何人

虹橋

朱欄詰屈不嫌長勢作垂虹飲練光天水心情斯小試  
遙飛興早到維揚

魚罾

未出輕儵凍尚凝不教綴景設魚罾當春生養資涵煦  
育物吾心別有憑

石徑

豎峯曲棧致多佳屨步因之到竹齋却是小窓堪望遠  
邨居野幕入觀皆

竹埭

琅玕幾个得天然便擬坡仙與懶仙此去雲棲幽絕處  
明知萬玉戛晴烟

箭廳

悅心惟是勵無逸觀德端知重有方駐輦恒因試弧矢  
承平武備詎宜忘

雁

春歸將及月雁到恰乘時旅景行行閱化工物物知北



南曾底異來往亦奚為三策何嘗讀靈通陽則隨

趙北口行宮三首

萬柳隄臨淀熏黃耒發青渚宮實瀟灑節夕此居停大  
吏陳烟火勤民宣政經屬緣奉

慈豫不罷且權聽

西窓猶納遠遊目每教憑春氣怡還裊冰光融間凝雁  
迴欣翼接魚陟乍鱗矜遙浦村民集待看入夜燈

魚釜還蟹斷生計淀村俱那藉名家畫真披漁樂圖波

將暖鷗鷺洲未長菰蒲正助萌陽候因之罷水虞

命免天津府所屬積欠詩以示直隸總督方觀承

去歲秋告登編氓鮮逋賦今春駕南巡免三逮經路

巡南

經過直隸州縣今歲應徵正供免十之三津門近海濱下溼多沮洳積欠非

一朝致然豈無故與民樂休息保赤吾衷素新恩所不

及曲體惟要務帑則免其征糧亦豁其輸問閭留有餘

是豈非歲富叶長官善推行莫容胥吏蠹

上元前夕趙北口行宮侍

皇太后觀燈火即席得句

晚來風定紫瀾收預夕承

歡樂事稠座裏同欣上元節渚邊亦有慶霄樓垂虹百  
道連冰朗結餞千葩映雪留箭影飛空數無萬作朋

慈壽祝添籌

趙北口行宮觀燈同扈蹕儒臣聯句

御製上元行慶奉

慈帷節物承

歡是處宜東海乍看擁寶輓

西崑恰值啟

瑤池野含瑞氣融晴雪樹挹芳烟散晚炊蹕路駕鸞皆

吐耀

臣蔣溥

和門草木總涵滋祥凝夜色浮三島香

泛春風達九達曲渚雁回聞遠響

臣汪由敦

御製新漪魚陟動流澌萬民同樂聊云可大吏鋪觀太爾

為于為寧忘歌即景

栢梁且喜讌成詩卿雲馥郁當樓護鸞尾歲筵拂

鏡窺雙楔霞標湖畔擢

臣秦  
蕙田

三橋虹影坐間垂光

收月窟應無敵捷奏天山信有斯煜煜金床函舍

利

臣劉  
綸

御製晶晶玉宇界琉璃候臨解凍陳永戲輪到元宵碾漢

遲一綫紫烟輝萬象

半空碧彩漾全規青猊白象環

仙闕西漆南油燦

御墀妙靄繽紛躡爵馬

臣介  
福

迴波宛轉躍蛟螭風前蛾

開爭呈幻淵底驪眠獨探奇詎美廣陵推法善

臣夢

麟

御製頓令潛室起馮夷燕南趙北春猶淺越角吳根景迹

披列缺施鞭龍啟蟄

伶倫叶管鳳來儀高檠菡萏旋搖日密炬艤艫曲

遠陂海藏迸開珠百琲

臣錢維城

湘簾紛綴錦千絲燭

銜暘谷炎官繖陣列昆陽赤羽麾激電疑投玉女

箭

臣錢汝誠

御製羅星似布井公碁鰲山蜃閣光無定瓊樹珠林影倒

移糕飭玉梁頒列席

果分丹荔佐行庖仙莊例放金吾禁良夕還紆銅

漏期宴是傳柑猶隔昔

臣蔣溥

花非剪綵實先時湧

來多寶定光塔採獻長生威喜芝灑地螢流囊熠

耀

臣汪由敦

御製擎雲蚪走甲之而漁村蟹舍皆呈照下里陽阿許共

嬉茅屋寧無向隅者

衢尊不啻與斟之觀醕咸快昌辰洽給復頻邀

沛澤施化浹華胥扶壽耆

臣秦  
蕙田

歡騰瀛鄭舞童兒早聽

菱鏡蜚佳語幸擘桃箋繼

睿詞三五韶華酌勝賞

臣劉  
綸

御製十千豐稔慰嘉師紙簋粉米羣徵吉江硯宣毫共選

辭真見文昌輝八座

同欽

華盖煥重離纖儵解聽遊清沼擁馬無喧立絳旗鼓瑟



吹笙鳴樂愜

臣介福

依蒲在藻荷

恩私唐昌萼蕊寧方此宣德神仙詎較茲遍插柳條沿

楚岸

臣夢麟

御製待催梅信過江湄律回泰谷方彌月鷄踏金蓮條萬

枝帝里輜軒應蓂擾

皇衢燈火想茆虎松盆戶戶燒蘭會竹塹人人鬪酒持

閣上青藜明綈案

臣錢維城

陌頭白粥賽田祠無邊好

景迎年麗有脚陽春傍

輦隨虞陛揮絃仰

庸作

臣錢汝誠

御製周庭燃燎問何其篆成翠火

鴻禧祝簪集華茵燕喜追好樂無荒昭古訓惟殷保泰  
日孜孜

長隄

迤邐長隄度六驂詩中景趣畫中探七橋稊柳黃金嫩  
兩淀融冰綠玉涵悅可水鄉經趙北早教春意遞江南

村民夾路尊親共富教難臻用此慙

上元節賜隨營諸臣食

五十吉行早駐鑾節朝賜食扈隨官琅霜粬粬頌羣座  
星海魚龍舞七槃元夕所欣逢蹕路一家何處不長安  
東風弗妬明蟾滿更待銀花入夜看

上元燈詞八首

燈景行營也自佳姮娥應節巧差排近村遠墅都呈照  
白叟黃童與樂皆

和門傍晚輕輿出排當烟花一賞之原是金吾不禁夜  
羽林警蹕爾何為

翠火區成蒼頡字明星塔轉法王輪四時首卜四時吉  
一歲燈加一歲新

節事元宵大吏供烟村兼可驗民風予心更有思維處  
德秀歌工若與同

聲樂詎宣三百里遊觀惟值上元宵廣陵此去行行近  
邠藉仙師駕綵橋

太乙輝光利照田舉頭初度玉輪圓含毫為憶前巡景  
瞥眼流光又六年

年年嘉夜宴樓西東鰈瞻光接北靺今夕畿南景更好  
紛來老幼許扶携

撒荔筵前燦九華祥烟郁作赤城霞鄒枚漫擬賡行帳  
中外由來是處家

上元後夕觀燈

翼節月猶美韶春風正柔烟郊餘勝景蹕路暢清遊繼

照燈偏豔騰聲爆更稠錢家餘故事雖好不須酬

御苑燈火

例以十三至燕九茲以巡狩祇令陳節夕前後及燕九餘槩弗用

日日

日日迎鑾瞻就民百年休養此姓姓試看幼挈老扶者  
盡是寒衣飢食倫庶矣能無絲粟貴教之何有俗風淳  
從來保泰惟難事今日其難倍古人

河間道中雜詠

日華坊

請書獻樂甚彬彬華表千秋景行新令史諸侯傳曾讀  
寢心許者是斯人

毛精壘

不藉金絲接正傳至今三百有餘篇張顛尚得太湖號

世傳旭為太湖精

況是葩經授後賢

鳴犢河

洋洋瀆水播亭濱地豈名傳傳以人尼父迴車鳴犢殞  
趙邦旋亦入強秦

琴高冢

列仙傳裏姓名論  
生長琴高尚有村  
既云赤鯉乘波去  
安得人間馬鬣存

條侯祠

執堅持重等穰苴  
細柳徐行為式車  
可惜禍根埋取櫓  
溫人所相始終如

廣川臺

三丈崇臺級幾層  
董祠移自廣川曾  
賢良策少即成誦



惟是施行慙未能

瀛州南樓三和沈佺期韻

何年廢重譙曠景澄烟霄修文拔鴻詞賡和何寥寥而  
我三繼唱逸興飛清飈言巡江南境復過瀛西橋

瀛西第三

橋為往來通衢愛此詩書邦文獻誠非遙覲光來老幼寧厭騰

塵囂如傷周王懷為度夏代謠

輕陰

輕陰旋作晴憑輿多惜情此郡冬雪微白沙隨風生憶

我辛未歲過此飄六霽火蛾鬪冰花節景真祥亨上元  
則已度燕九行將迎瑞葉宜及時塋麥猶未萌英英晚  
來重企望巡檐楹

讀史記文帝紀

文帝信云仁清靜以為治惻隱除肉刑民租每蠲賜此  
已足千古史貴傳正義而何司馬遷博載失精粹如云  
慎夫人衣乃不曳地設誠敦朴儉銅山又何謂張武受  
金錢加賞使心愧痺惡盡若斯尚廉誰則勵觀其任復

土母乃有深意慨然歎史難寧云責賢備

紅杏園再疊前韻

練日巡江國乘春發鳳輦昨歲告武成憶曾于斯館豈

知馳捷旌詭計事後顯

去歲以伊犁底定親告

孔林

適至閱數日乃知叛賊

誑言以懈衆志統軍者不審其

謬遂馳露布久之屢失機宜迄未擒賊因正軍帥之罪  
云三軍賴司命一籌何莫展選將更整旅問罪王師遣

去歲以阿睦爾撒納未就獲故懷觀望如巴雅爾之類  
者旋復搆亂因更命喀爾喀親王成衮扎布為定邊將

軍以今春統索倫密  
哈爾等兵進討諸逆

佇待奏膚功戡亂靖鄙善

氍毹

瓦茨庸詎稱行移惟有氍毹到處隨卷合放開皆適可  
今來昔往祇如斯紙窓日日披新畫云席行行就小詩  
懸壁偶然試臨鏡異前覺有幾莖絲

暖

春入已逾月春氣益融盎向南候遞暄風日復和朗漸  
欲換輕裘相將揭行帳叶人解返寒怨馬盼新蕪長或  
云率是道鄧尉將全放叶笑謂此何慮寧為觀梅往

題韓幹照夜白疊前韻

古稱照夜白馬裏泰山韓絲絡為誰老沙場宜慮寒駿  
寧煩贈策良識不迴鞍冀北羣原夥由來伯樂難

過景州

曉春薄寒峭驛路惠風柔輕聽臨脩市前驅指德州村  
烟暗柳眼塔影矗城頭蔽井民風驗燈棚節物耐羣黎  
來不約一老湑無留

往歲過景州致仕尚書魏廷珍輒  
迎道左頻賜以詩去春湑逝故及

之故舊淒然睠誰真佳羨儔

劉智社

古社界燕齊舊名存劉智聞昔呂思誠令修稱循吏五  
馬巡民間曾以行田至均徭勸樹畜彰善與農器吾黨  
直在隱李氏感兄弟安得如斯人郡縣各一置歷久觀  
厥成無為而自治

賜衍聖公孔昭煥

蹕路趨迎領一門詩書教澤泗洙源卿來處早予心往

大禮方行不欲煩

去歲親詣闕里釋奠故今歲不復往按例遣官致祭云

德州行宮示山東大小吏

未敢深宮自宴居省方展義每厘予按程移帳安猶便  
擇向開軒費則虛一宿遷他賞何有萬民得所樂寧如  
由來不說惟成事去秋巡撫爰必達於德州建行宮以  
備南巡入東境首程宿頓將訖工乃  
入奏因成事不說姑此後無需慎戒諸  
仍之然朕所不取也

筵頭寫梅偶題

鐵榦橫斜影珠胎綻兩三東風披拂處花信遞江南

燕九日奉

皇太后觀燈火

燕值丘仙節燈陳禹氏墟火城張大野綵閣奉

安輿孔雀千屏展金蓮萬朶舒鸞車朝絳闕龍馬負丹  
書勝賞真無數圍觀共樂胥兆民齊祝

壽壽指泰山如

燕九燈詞

青郊燈夕樂同民絞縛烟花德水濱故事可知傳燕九  
地行仙本是齊人




烟中翔鳳鳴為管空裏飛魚色作金一曲昇平萬民慶  
百年休息此林林

琉璃界道光明土轉法如來號寶燈鶴馱旣膏輝玉樹  
肖翹蠕動上金繩

翠匾明毬殊霍靡綾裝珠綴互飄蕭姮娥底事飛輪早  
婪尾春繁是此宵

御製詩二集卷六十六



總校官庶吉士臣侍朝

校對官庶吉士臣徐如澍

校對官檢討臣龔大萬

謄錄監生臣張孝基

謄錄監生臣朱懷玉